পাণিগ্রহণ বিধিতে শ্রীকৃষ্ণবধৃ হইলেন না, অথচ অন্য কোনও গোপবধৃও হইলেন না, কেবলমাত্র নির্ব্বাধ অনুরাগেই ঞ্রীকৃষ্ণপ্রিয়া হইয়াছিলেন। এই আদর্শে অস্তান্য গোপীগণকেও বুঝিতে হইবে। অর্থাৎ শ্রীকৃষ্ণ শ্রীল ব্রজস্তুন্দরী-গণের অধর্মসম্বন্ধে উপপতি নহেন, ধর্মসম্বন্ধে পতিও নহেন; কেবলমাত্র প্রবলতর অনুরাগ সম্বন্ধে প্রাণপতি। যে স্থানে প্রেমে ধর্ম বা অধর্ম সম্বন্ধ থাকে, সে প্রেম অনুরোধময় বলিয়া তুর্বল। রসিকেন্দ্র চূড়ামণি গ্রীকৃষণ্ড ১০৷৩২ অধ্যায়ে "ন পারয়েহহং" ইত্যাদি শ্লোকে বলিয়াছেন—"হে প্রিয়তমাগণ! আমি ব্রহ্মার মত প্রমায়ু লাভ করিলেও আপনাদের অনুরূপ ভজন করিতে সর্ব্বথাই অসমর্থ। যেহেতু আপনারা যে দেহখানি লইয়া আমার সহিত মিলিত হয়েন, সেই দেহখানিতে অন্সের স্পার্শ বা ভোগ্যদৃষ্টি পড়ে নাই বলিয়া অতি বিশুদ্ধ। যে মনটি লইয়া আমার সহিত মিলিত হন, এই মনে প্রবলতর উৎকণ্ঠায় একমাত্র আমার স্থুখ সম্পাদন তাৎপর্য্য ভিন্ন স্ব-সুখতাৎপর্য্য লেশও নাই বলিয়া বিশুদ্ধ। বহিদৃষ্টিতে আমার সহিত আপনাদের এই যোগটি কামময়রূপে প্রতীত হইলেও বস্তুতঃ অনুরাগময়। অন্ধকার যেমন সূর্য্য, তাহার জ্যোতিঃ এবং তাহার আভাসকেও স্পর্শ করিতে পারে না, তেমনই আপনাদের এই বিশুদ্ধ অনুরাগ নির্মাল ভাস্করকে তো কামরূপ অন্ধকার স্পর্শ করিতে পারেই না - আপনাদের এই অনুরাগ ভাস্করের আভাসও যাহার স্থদয়ে উদিত হয়, সে স্থদয়কেও কামরূপ অন্ধকারে স্পর্শ করিতে পারে না, ইত্যাদি রূপে স্বয়ং ভগবান শ্রীকৃষ্ণও শ্রীল ব্রজস্থন্দরীগণের অবাস্তব উপপতি ভাবের প্রশংসাই করিয়াছেন।

সেই গোপীভাবের অনুগতভাবে অন্ত সাধকগণেরও শ্রীকৃষ্ণে উপপতিভাব, তাহাও শাস্ত্র হইতে শুনা যায়। অতএব যাহা বহু সাধনও ভগবৎ কুপালভ্য, তাহা যে দোষাবহ হইতে পারে না—ইহা বলাই বাহুল্য। পদ্মপুরাণের উত্তর-খণ্ডে উল্লেখ আছে যে—পূর্বের্ব দণ্ডকারণ্যবাসী মহর্ষিগণের নিজ আশ্রমে সমাগত দাশরথি শ্রীরামচন্দ্রকে দর্শন করিয়া নিজ উপাস্ত শ্রীমদনগোপালদেবের কোন অংশে সাদৃশ অবলোকনে নিজভাব উদ্দীপিত হওয়ায়, শ্রীরামচন্দ্র হইতেও সুন্দর মূর্ত্তি নিজমনোহারী শ্রীমদনগোপালদেবকেও উপভোগ করিবার জন্ম বলবতা আকাজ্ফার উদগম্ হইয়াছিল। অবশেষে প্রভু রামচন্দ্রের কুপায় সেই সকল মহর্ষিগণ স্ত্রী অর্থাৎ গোপীদেহ ও গোপীভাব লাভ করিয়া গোকুলে জন্মগ্রহণ করেন ও নিজ অভীষ্টসঙ্কল্পে শ্রীহরিকে গৃহমধ্যে অবরুদ্ধ অবস্থায় প্রাপ্ত হইয়া গুণময় দেহবন্ধ হইতে মুক্ত হইয়াছিলেন। অতএব পুরুষগণের মধ্যেও এই উপপতি ভাবাত্মক কাম উদগম্ হয় বলিয়া এবং